



ヤ 9  
176  
3





衍義

胎息四月始受水精以成血脉養胎屬**垂**少陽氣  
氣用事最易損墜若**寒鬱火邪惡阻彌甚熱蒸託**  
藏洩數異常然胎已成形未必便下必卒受風寒  
或有所驚動勢難叵測不得不於安胎劑中兼麻  
黃一味以開泄之雖與前艾葉湯並用麻黃其間  
輕重迥殊餘味大都相類彼以胎未具體固宜艾  
葉丹參之溫以助之此以相火養胎又需麥冬菊  
花之清以潤之其用半夏者專滌胞門垢膩無慮  
辛散傷胎也倘服後汗大出以粉粉之立法雖爾  
設本婦力難勝任但當師事其法奚必株守其方



子嘗以紫蘇代麻黃既可散邪又可安胎未嘗不信手合轍也

調中湯 若曾傷四月胎者當預服此方

白芍 生薑各四兩 厚朴

枳實 生李根白皮 白朮

柴胡各二兩 續斷 川芎

甘草各一兩 當歸一兩半 烏梅 一升

右十二味以水一斗煮取三升分四服日三夜一八日後復服一劑

衍義 調中者調中土之墩阜坎陷也土為萬物之母一

息不調便生疾苦況曾傷四月之孕至此能無坎

陷乎固之之法阜則削之陷則培之方中枳實厚

朴削平墩阜之劑也白朮甘草運平坎陷之劑也

芎歸芍續疎通泉脉之劑也柴胡李根一升清陽

一降逆氣生薑烏梅一宣上壅一固下脫務令中

州之氣無過不及以平為期則胎息之運動綽有

餘地孰謂立方之名無深意存焉

妊娠五月始受火精以成其氣臥必晏起沐浴浣衣

深其居處厚其衣服朝吸天光以避寒殃其食稻麥

其羹牛羊和以菜蕒調以五味是謂養氣以定五臟

妊娠五月足太陰脉養不可針灸其經

如隱白大都公孫商邱三

陰交漏谷陰陵泉等穴是也

足太陰內輸於脾五月之時兒四肢

皆成無大饑無甚飽無食乾燥無自炙熱無太勞倦  
妊娠五月多熱苦頭眩心亂嘔吐有寒苦腹滿痛小  
便數卒有恐怖四肢疼痛寒熱胎動無常處腹痛悶  
頓欲仆卒有所下宜服阿膠湯

阿膠湯方

阿膠 四兩

人參 一兩

生薑 六兩

當歸

白芍

甘艸

黃芩 各二兩

施覆花 二合

吳茱萸 七合

麥冬 一升

右十味咬咀以水九升煮藥減半內清酒三升并  
膠微火煎取三升半分四服日三夜一先食服便  
愈不瘥再服 一方用烏母雞一隻割取咽血內  
酒中以水煮雞以前藥減半內酒并膠煎取三升  
半分四服

衍義

妊娠五月雖屬足太陰養胎然胎息始受火精而

能運動務宜養氣以定五臟設有觸動而卒有所  
下則宜大固氣血以安之方中諸藥皆平調氣血  
之劑惟旋覆一味不可不講本經治結氣別錄消

胸上痰結甄權開胃止嘔逆仲景治心下痞堅噎  
氣不除同葱白新絳治婦人半產漏下合諸治推  
之則覆花之用可燎然矣大抵婦人經漏胎息之  
病元氣雖虛未有不挾風氣痰濕厥積者觀柏子  
仁圓五石澤蘭丸等方自明

安中丸 有曾傷五月胎者當預服此方

黃芩 一兩

當歸

川芎

乾地黄

人參

甘艸

芍藥

各三兩

生薑

六兩

麥冬

一升

五味子

大麻仁

各五合

大棗

三十枚

右十二味咬咀以水七升清酒五升煮取三升  
分四服日三夜一七日復服一劑

衍義

前調中湯預調曾傷四月之胎此安中湯預安曾  
傷五月之胎夫調之與安大費斟酌調則有平治  
之權安則無尅削之理彼以脾有蘊積故宜枳實  
厚朴以清之此以素虧津液又須生脉四物以濡  
之用麻仁者必妊娠素有脾約之故然麻仁在此  
方與麻仁丸中不同設非脾約似可勿用若中有  
宿滯雖當五月調中何妨倘素稟虧弱縱在四月  
安中竟與勿疑規矩不出方圓之外也

妊娠六月始受金精以成其筋身欲微勞無得靜處  
出遊於野數觀走犬及視走馬食宜鷲鳥猛獸之內  
是為變腠理紐筋以養其力以堅背脊

妊娠六月足陽明脉養不可針灸其經如厲兌豐隆  
陰市上下廉

三里等  
穴是也足陽明內屬於胃主口目六月之時兒口目

皆成調五味食甘美無大飽

妊娠六月卒有所動不安寒熱往來腹內脹滿身體  
腫驚怖忽有所下腹中如欲產手足煩疼宜服麥冬  
湯

### 麥門冬湯方

麥冬 一升

人參

甘艸

黃芩 各二兩

乾地黄 三兩

阿膠 四兩

生薑 六兩

大棗 十五枚

右八味以水七升煮減半內清酒二升并膠煎取  
三升分三服中間進糜粥 一方用烏母雞一隻  
煮水以煎藥

衍義

六月足陽明養胎時兒受金精以成筋骨卒有所  
動不安而寒熱往來故宜人參以主驚怖麥冬以  
續胃脉地黄以養陰血阿膠以安胎息甘艸以除  
腹痛黃芩以清溫熱生薑以消脹滿大棗以和寒

熱煮用清酒取以行諸藥力也一方用烏母雞與始胚無異可見安胎之用不必固守成則耳

柴胡湯 治曾傷六月胎者當預服此方

柴胡 四兩

茯苓 一兩

白朮

白芍

一作紫葳

甘艸

麥冬

川芎

各二兩

生薑

六兩

乾地黄

五兩

大棗

三十枚

右十味咬咀以水一斗煮取三升分四服日三夜一中間進糜粥勿食生冷及堅硬之物七日更服一劑

衍義

前胎傷在六月法當預培胃氣而反不用參苓必

是妊娠大便艱燥更衣時微有寒熱故用茯苓柴

胡佐麥冬地黄以滋血氣不費努掙胎自安矣設

本婦大便不實則退茯苓而進參苓可預擬也

妊娠七月始受木精以成其骨勞身搖肢無使定止

動作屈伸以運血氣居處必燥飲食避寒常食稻粳

以密腠理是謂養骨而堅齒

妊娠七月手太陰脈養不可針灸其經

如少商魚際列缺尺澤天

府等穴是也

手太陰內屬於肺主皮毛七月之時兒皮毛

以成無大言無號哭無薄衣無洗浴無寒飲

妊娠七月忽驚恐搖動腹痛卒有所下手足厥冷脉  
若傷寒煩熱腹滿短氣常若頸項及腰背強宜服葱  
白湯

葱白湯方

葱白長三四寸  
十四莖半夏

麥冬各一  
升

旋覆花二合黃芩一兩

人參一兩  
半

甘艸 當歸

黃芪各三  
兩

阿膠四兩 生薑八兩

右十一味咬咀以水八升煮減半內清酒三升及  
膠煎取四升每服一升日三夜一溫臥當汗出若

不出者加麻黃一兩煮服如前法若秋後勿強瀆  
汗一方以黃母雞一隻割咽取血內酒中煮雞  
取汁以煎藥

衍義金匱三物旋覆花湯治婦人半產漏下旋覆代赭

石湯治胸中痰飲痞逆噫氣不除小柴胡湯治寒  
熱痞滿或嘔或欬千金合三法而治妊娠七月手  
太陰肺氣養胎時忽驚恐搖動致子之木精不能  
內固而卒有所下推其證一一盡顯痰氣逆滿但  
以證若傷寒因取葱白之散邪安胎爲一方之主  
乃於旋覆花湯中去新絳而用其二旋覆代赭湯



千金方衍義卷二  
中去赭石小柴胡湯中去柴胡各用其五兼合保元當歸補血復參阿膠門冬藥止一十一味而祛風治痰清上補下養血安胎之法畢具無遺方後復有割黃母雞血內酒中則黃雞宜婦人之說其來尚矣

杏仁湯 若曾傷七月胎者當預服此方

杏仁 各二兩 紫苑 一兩

鍾乳 乾薑 各三兩 麥冬

吳茱萸 各一升 粳米 五合 五味子 三合

右九味咬咀以水八升煮取三升半分四服日三夜一中間進食七日服一劑 一方用白雞一隻煮汁煎藥

衍義

七月肺氣養胎時也前胎傷在七月必是肺逆咳嗽之故故立方專以溫肺為主方中鍾乳乾薑黃芩茶溫肺之專藥倘肺虛有熱又當推門冬紫苑粳米以清肺為急需杏仁五味一散一收甘艸和諸性味使無拒格之虞雖同具一方而主客逆從攸分不可拘以分兩守株而待其兔也

妊娠八月始受土精以成膚革和心靜息無使氣極是謂密腠理而光澤顏色

妊娠八月手陽明脉養不可針灸其經

如商陽二間合谷上下廉

三里曲池肩井肩髃等穴是也手陽明內屬於大腸主九竅八月之

時兒九竅皆成無食燥物無輒失食無忍大起

妊娠八月中風寒有所犯觸身體盡痛乍寒乍熱胎

動不安常苦頭眩痛繞臍下寒時時小便白如米汁

或青或黃或使寒慄腰背苦冷而痛目眈眈宜服芍

藥湯

芍藥湯方

芍藥

生薑

各四兩

厚朴

二兩

甘艸

當歸

白朮

人參

各三兩

薤白

切一升

右八味咬咀以水五升清酒四升合煮取三升分

三服日再夜一一方用烏母雞煮汁以煎藥

衍義

胎受土精而成膚革時值母之手陽明養胎陽明

外屬肌膚內應子藏今因風寒所觸而繞臍下寒

則子氣之安危係乎反掌亟取專走陽明之薤白

一味以開泄經氣卽用善護子氣之芍藥助以參

朮當歸生薑甘艸外佐薤白內助芍藥一服而轉

危就安且無風藥動搖胎息之患世醫咸謂葱白

安胎不知薤白之功更勝用厚朴者以其時時小

便有所下借內經潔淨府之一法也

葵子湯 若曾傷八月胎者當預服此方

葵子 二升

甘艸

厚朴 各二兩

白朮

柴胡 各三兩

白芍 四兩

生薑 六兩

大棗 二十枚

右八味咬咀以水九升煮取三升分三服日二凡十日一劑 一方用烏母雞一隻煮水以前煎藥

衍義

此湯預防曾傷八月之胎而方中除白朮白芍外餘無可安之味也嘗讀炎帝本經言葵子主治五

藏六腑寒熱羸瘦五癰利小便久服堅骨長肌肉

而此合柴胡甘艸薑棗和榮諸藥必妊娠乍寒乍熱動不安常方與本經葵子之治相符世人以為葵子滑胎孰知有安胎妙用乎今胎在八月兒之腑臟已具產期漸邇雖滑無妨而堅骨長肌肉之功未必非胎息默受其益厚朴之用焉知不因小便之有所下歟設本婦無寒熱而用此方無所下而用厚朴確遵八月預安之法其驗與否吾不得而擬議也

妊娠九月始受石精以成皮毛六腑百節莫不畢備飲醴食甘緩帶自持而待之是謂養毛髮致才力

妊娠九月足少陰脉養不可針灸其經如湧泉然谷太谿交信築  
賓伏溜等穴是也足少陰內屬於腎腎主續縷九月之時兒  
脉續縷皆成無處濕冷無著炙衣

妊娠九月若卒得下痢腹滿懸急胎上衝心腰背痛  
不可轉側短氣宜服半夏湯

半夏湯

半夏 三兩

麥冬

吳茱萸

當歸

阿膠 各二兩

乾薑 一兩

大棗 十二枚

右七味咬咀以水九升煮取三升去滓內白蜜八

合微火上溫服四服痢即止 一方用烏母雞一

隻煮汁煎藥

**衍義**

經云人有重身九月而瘖胎之絡脉絕也當十月  
復此言妊娠足少陰養胎兒受石精以成皮毛石  
者腎藏之脉與子氣相通則子之藏氣亦實矣今  
以孕母卒得下痢腹滿懸急故用半夏以辟腸垢  
薑黃以散腹滿歸膠以護榮血冬棗以行津液此  
皆恒用之品其理易明獨是白蜜與旨崇古未講  
蓋蜜能通腸而利反用之必四服痢止腸垢去而  
正氣復胎自安矣然必臨月始為合劑不可尋常

效也內經言九月而瘖此言九月下痢各舉一端爲例豈妊娠九月非瘖必痢乎

猪腎方 若曾傷九月胎者當預服此方

猪腎 一具

茯苓

桑寄生

乾薑

乾地黄

川芎

各三兩

白朮

四兩

附子

中者一枚

大豆

二合

麥冬

一升

右十味咬咀以水一斗煮腎令熟去腎內諸藥煎取三升半分四服日三夜一十日一劑

衍義

孕至九月可無傷損之虞矣以前曾有所墜必是

腎氣虛寒不能司成實之令故用猪腎引領朮附

大溫腎氣然須十日更與一劑不可多服恐熱遺

子藏反嬰胎毒耳

妊娠十月五臟俱備六腑齊通納天地氣於丹田故使關節人神皆備俟時而生

妊娠一月始胚二月始膏三月始胞四月形體成五月能動六月筋骨立七月毛髮生八月藏腑具九月穀氣入胃十月諸神備日滿卽產矣宜服滑胎藥入月卽服

丹參膏

養胎臨月服令滑而易產方

丹參 半升

川芎

當歸 各二兩

蜀椒

五合有熱者以大麻仁五合代

右四味咬咀以清酒搜濕停一宿以成煎猪膏四升微火煎膏色赤如血膏成新布絞去滓每日取如棗許內酒中服之不可逆服至臨月乃可服舊用常驗

**衍義**

丹參破宿生新統芎歸佛手為滑胎易產之專藥而方中便具活法寒用川椒熱用麻仁各隨母氣之偏勝耳服後猪膏醇酒取其滑澤滋益也苟孕婦中氣不實不特猪膏宜遠麻仁亦難輕試然觀熱易麻仁一語活法盡情吐露矣

甘艸散 令易生母無疾病未生一月日預服過

三十日行步動作如故兒生墮地皆不自覺方

甘艸 一兩

黃芩 一方用茯苓

乾薑

吳茱萸

大荳黃卷

麻子仁

桂心

大麥芽 各三兩一方用粳米

右八味治下篩酒服方寸匕日三暖水服亦得

**衍義**

保生易產而用麻仁黃卷麥芽取其安中利竅能使產時墮地不覺桂心乾薑茱萸取其溫中散血能使產後腹無留滯甘艸黃芩一和寒熱一化辛

熱也前方以川椒麻仁更迭而適寒熱此以乾薑  
桂心黃芩麻仁互配而調寒熱機用之靈活如此  
千金圓 主養胎治產難顛倒胞不出服一丸傷  
毀不下產餘病汗不出煩滿不止氣逆滿以酒

服一丸 一名保生丸

甘艸

貝母

秦椒

大荳黃卷

乾薑

桂心

黃芩

粳米

石斛

石膏 各六銖

當歸 十二銖

麻子 三合

右十二味為末蜜和丸如彈子大每服一丸日三

川棗湯下 一方用蒲黃一兩

衍義

此即前甘艸散之變法甘艸散方中用桂薑芩甘  
麻豆等味為滑胎而設此治產難胞衣不下亦不  
出此但加石斛石膏貝母粳米以清胃之上逆秦  
椒以下惡氣與茱萸同為止逆下氣之味但彼用  
散以利運動之機此用丸以祛毀傷之滯取甘艸  
散之變法而為產難之變治也

蒸大黃丸 治妊娠養胎令易產方

大黃 三十銖 蒸

枳實

川芎

白朮

杏仁 各十銖

白芍

乾薑

厚朴 各十  
二銖

吳茱萸 一兩

右九味為末蜜和丸如梧子大空腹酒下二九日  
三不知稍加之

衍義

養胎而用小承氣用法奇矣小承氣而兼溫養血  
氣之味變化尤奇大黃得薑朮則熱可宣通薑萸  
得枳厚則辛能開泄加以芎芍和榮杏仁利氣不  
特產時兒無阻逆之患并杜產後母無瘀積之虞  
然惟質實氣固者宜之若資稟涼薄及虛陽上盛  
之婦諒不處是方也

滑胎令易產方

阿膠 八兩

滑石 三兩

車前子 一升

右三味治下篩飲服方寸七日再至生月乃服藥  
利九竅不可先服

衍義

此臨產通用之方阿膠益氣滋血滑石益精利竅  
車前除濕利水非若上四方之各隨資稟氣血毫  
釐不可假借也可見先哲常變之幻神應無窮

妊娠諸病第四

此篇有十章  
灸法三首

方八十九首

第一胎動及數墜胎

方六首

灸法一首

治妊娠二三月上至八九月胎動不安腰痛已有  
所見方



艾葉

阿膠

川芎

肘後不用

當歸

各三兩

甘艸

二兩

右五味以水八升煮取三升去滓內膠令消分三服日三

治妊娠胎動去血腰腹痛云

阿膠

二兩

川芎

當歸

青竹茹

各五兩

右四味以水一斗半煮銀二斤取六升去銀內藥煎取二升半內膠令烺分三服不瘥仍作一方用甘艸三兩

葱白湯 治妊娠胎動不安腹痛方

葱白

升切一

阿膠

二兩

當歸

續斷

川芎

各三兩

右五味咬咀以水一斗先煮銀六七兩取七升去銀內藥煎取二升半下膠令烺分三服不瘥重作治妊娠胎動晝夜叫呼口噤唇塞及下重痢不息方

艾葉一升咬咀以好酒五升煮取四升去滓更煎取一升服口閉者格口灌之藥下即瘥亦治

妊娠腰痛及妊娠熱病并妊娠卒下血

衍義膠艾而合芎藭為治胎動要藥須知妊娠下焦血氣虛寒而腰痛者固為合劑若妊娠虛煩下血而腰腹痛者又須退艾葉而用竹茹并用白金煎水煮服以鎮固肺胃之氣胎自寧矣若妊娠胎動不安而虛陽上浮或時頭痛或時腹痛亦當去艾葉加葱白佐川芎以散上逆之頭痛加川斷佐當歸以安下虛之腹痛二方俱不用甘艸者嫌其甘緩無清上之速應也若妊娠下痢為下虛不禁又當專任艾葉以溫榮血煮用好酒以助其力即妊娠病熱腰痛下血亦不出乎溫散之法也

旋覆花湯

治妊娠六七月胎不安常服之方

旋覆花 一兩

半夏

白芍

生薑 各二兩

枳實

厚朴

白朮

黃芩

茯苓 各三兩

右九味咬咀以水一斗煮取二升半分五服日三夜二先食服

衍義

此方專主妊娠氣滯多痰六七月來胎息漸長壅遏中氣故用旋覆開發痰氣於上即用枳木健運脾氣于中苓夏薑朴疎利滯氣于下黃芩白芍專護胎氣也若妊娠體癰血熱中無痰濕阻礙胎氣

卽與此方無預也

治妊娠數墮胎方

取赤小豆爲末酒服方寸七日二亦治妊娠數月月水尚來者

衍義

數墮必因火盛火能消物故取小豆之色赤通乎

心包而導血熱爲散酒服者恐其中有留滯也然在三四月前有之若逾四月卽是傷胎不可以火槩論也

又方

妊娠三月灸膝下一寸七壯

第二漏胞

方四首

治妊娠下血如故名曰漏胞胞乾便死方

生地黄半斤咬咀以清酒三升煮三沸絞去滓

服之無時能多服佳

姚大夫加黃雌雞一頭治如食法崔氏取雞血和藥中服之

治妊娠血下不止名曰漏胞血盡子死方

乾地黄搗末以三指撮許酒服不過三服瘥

又方

生地黄汁一升清酒四合煮三四沸頓服不止

頻服

又方

乾薑 二兩

乾地黄 四兩

右二味治下篩酒服方寸七日三服

衍義

漏胎而用地黃必酒煮絞服方無瘀積之患若妊娠氣血本虛助以雞血尤為得力若脾氣素弱不勝陰藥潤下者為散酒服以緩圖之若中氣虛寒難於克運者須配乾薑以鼓地黄之性則安胎止血兩得其宜矣

第三子煩 方三首

竹瀝湯 治妊娠常苦煩悶此是子煩

竹瀝 一升

麥冬

防風

黃芩 各三兩

茯苓 四兩

右五味以水四升合竹瀝煮取二升分三服不瘥再作

又方

時時服竹瀝隨多少取瘥止

衍義

煩屬膈上虛火故用竹瀝滋肺化熱防風佐黃芩使從表分解茯苓佐麥冬使從下滲瀉總以不出竹瀝竹茹等法如脾氣充實之人不妨時時單服竹瀝亦能取瘥更與四卷虛煩諸方參看始詳

第四心腹腰痛及脹滿 方二十首

治妊娠心痛方

青竹皮一升以酒二升煮三兩沸頓服之

又方

破生雞子一枚酒和服之

又方

白蜜 三兩

羊脂 八兩

青竹茹 一升

右三味合煎食前頓服如棗核大三枚日三

又方

蜜一升和井底泥泥心下

又方

燒棗二七枚為末重便服立愈

治妊娠腹中痛方

生地黄三斤搗絞取汁用清酒一升合煎減半

頓服

又方

燒車轄脂內酒中服亦治妊娠咳嗽并產難三

日不出

又方

取蜜一升頓服良

衍義

懷孕而患胃脘急痛獨用竹茹酒煮服之取化無

形之蘊熱也若因血熱而痛又宜生雞子和酒服之若因肺胃燥熱而痛則用白蜜羊脂與竹茹合服或單取熟蜜服之并以蜜和井泥塗心下總取保護胎氣也若因胃虛有熱留滯燒棗童便服之若因血熱不能養胎而腹痛者生地搗絞和酒服之與漏胎下血無異妊娠腹中澀痛燒車轄脂內酒中服之專主卒心痛及咳嗽難產不能出此專取滑澤利垢之用也

治妊娠腹中滿痛又心不得飲食方

黃芩 三兩

白芩 四兩

白朮 六兩

右三味咬咀以水六升煮取三升分三服半日令藥盡微下水令易生日飲一劑爲善

治妊娠忽苦心腹痛方

燒鹽令赤熱三指撮許酒服之立瘥

治妊娠傷胎結血心腹痛方

取小兒尿二升頓立瘥大良

衍義黃芩白朮爲安胎專藥以黃芩清熱白朮固土土厚自能載物此惟胎熱不安而上升過動者宜之若腹滿又心又爲營氣不能榮養而胎動不安又需芍藥之酸寒以斂固之使小便微利則機關順

千金方衍義卷二  
利而生產亦易此皆治胎熱之用也其心腹忽痛  
用燒鹽取醎以潤下也傷胎血結用小便取寒以  
導血也是皆因熱而上逆之治設母氣本虛不能  
榮養胎氣而下墜腹痛又當峻用參朮兼溫補而  
升舉之非黃芩白芍燒鹽小便等可得而干預也  
治妊娠中惡心腹痛方

新生雞子二枚破著杯中以糯米粉和如粥頓  
服亦治妊娠卒胎動不安或但腰痛或胎轉搶  
心或下血不止

又方

以水三升洗夫靴剔汁溫服

治妊娠中蠱心腹痛方

燒敗鼓皮酒服方寸匕須臾自呼蠱主姓名

治妊娠腰痛方

大豆二升以酒三升煮取二升頓服之亦治常  
人卒腰痛者

又方

麻子三升以水五升煮取汁三升分五服亦治  
心痛

又方

豉 二兩

榆白皮 三兩

右二味熟搗蜜丸如梧子大服二十九亦治心痛

又方

燒牛屎焦末水服方寸七日三服

又方

地黃汁八合酒五合合煎溫服

治妊娠脹滿方

取秤鎚燒之淬酒中服良亦治妊娠卒下血

衍義

新生雞子肘後主妊娠心痛藏器治胎痛下血取

其能解一切諸毒也敗鼓皮治一切蠱毒梅師治

中毒下血如驚肝心腹切痛如咬取其能散瘀毒

也黑大豆淋酒頓服善解婦人風毒下血腰痛勢

甚者宜之香豉榆皮丸服淹久者用之麻子汁治

妊娠心痛腰痛取降氣分之火也地黃汁治妊娠

腰痛取降血分之火也燒秤鎚淬酒取碎惡氣散

惡血也各審其宜而用之

第五傷寒方一十六首

治妊娠傷寒頭痛壯熱肢節煩疼方

石膏 八兩

大青

黃芩 各三兩

葱白 切一升

前胡

知母



梔子仁 各四兩

右七味咬咀以水七升煮取二升半去滓分五服相去如人行七八里久再服

治妊娠頭痛壯熱心煩嘔吐不下食方

知母 四兩

粳米 五合

生蘆根 一升

青竹茹 三兩

右四味以水五升煮取二升半緩緩飲之盡更作瘥止

治妊娠傷寒服湯後頭痛壯熱不歇宜用此湯拭其身

麻黃 半觔

竹葉 切一升

石膏 三斤為末

右三味以水五升煮取一升去滓冷用拭身體又以故布揜頭額胸心燥則易之患瘧者加恒山五兩

治妊娠傷寒方

葱白 十莖

生薑 二兩切

右二味以水三升煮取一升半頓服取汗

治妊娠中風寒熱腹中絞痛不可針灸方

鮑魚一頭燒作灰搗末酒服方寸七取汗

治妊娠遭時疾合子不落方

千金方行氣卷三  
取竈中黃土水和塗臍乾復塗之一方酒和塗  
方五寸又泔清和塗並佳

又方

犬尿泥塗腹勿令乾

治妊娠熱病方

葱白

五兩

豆豉

一升

右二味以水六升煮取二升分三服取汗

又方

葱白一把以水三升煮令熟服之取汗食葱令  
盡亦主安胎若胎已死者須臾即出

又方

車轄脂酒服大良

又方

井底泥泥心下三寸立愈

又方

青羊屎塗腹上

又方

水服伏龍肝一雞子大

治大熱煩悶者方

葛根汁二升分三服如人行五里久進一服

又方

燒大棗七枚爲末酒和服

又方

槐實燒灰取方寸匕酒和服

衍義

傷寒之端緒頗繁而妊娠傷寒尤爲扼腕豈此十餘例可得而槩治乎當知表裏和解等治與平人無異但須無礙子氣爲之大綱所以千金但舉化熱保胎及單方塗臍等法彙次如左其第一方以石膏大青芩梔知母疾祛蘊熱從內而解葱白前胡分其上熱之勢從經而散爲溫熱時行之的方

而熱邪內傷胎氣亦不出此其第二方乃彷彿白虎之製取知母粳米以化胃熱蘆根竹茹專治煩嘔也若服湯不解則用竹葉石膏與麻黃煮湯拭體并搗頭額胸心取其通達腠理免致熱邪內犯子氣之患其用葱白豆豉用葱白生薑各有微義取豉能解久伏之氣薑能散暴感之邪或但煮葱服取汗亦得用葛根者專解陽明經熱也用鯽魚灰者專主脾火上逆也用槐實灰者專主大腸燥熱也用車轄脂者專主腹中緩急也用棗灰者專主胃府蘊熱也二方主妊娠心腹腰痛治例相類

但彼治內火故用尿服此治外熱故用酒服稍通  
權變耳用伏龍肝者專主子氣不固并取塗臍及  
犬矢泥青羊尿并底泥塗並佳虛寒則用伏龍肝  
犬矢泥虛熱則用青羊尿大熱則用并底泥若心  
腹大熱絞痛和蜜塗之各分寒熱輕重爲當

第六瘧病 方二首

妊娠患瘧方

恆山 二兩

甘草 一兩

黃芩 三兩

烏梅 十四枚

石膏 八兩

右五味咬咀以酒水各一升半合漬藥一宿煮三

四沸去滓初服六合次服四合後服二合凡三服

又方

恆山

竹葉 各三兩

石膏 八兩

粳米

一百粒崔氏外臺作糯  
米集驗救急作林米

右四味咬咀以水六升煮取二升半去滓分三服

第一服取未發前一食頃服之第二服取臨欲發

服之餘一服用以塗頭額及胸前五心藥漬置頭

邊當一日勿近水及進飲食過發後乃進粥食

衍義

夫瘧家之畏常山猶傷寒家之畏麻黃也而妊娠  
之瘧用之不疑良因寒熱勢甚胎之安危在乎反

掌故二方悉首推之而又各取白虎之半一用石膏甘草兼黃芩以護子氣烏梅以收津液一用石膏粳米兼竹葉以清心包總以化熱保胎為務其後方乃留一服以塗頭額胸心與傷寒用麻黃竹葉石膏拭體之法不殊夫麻黃恆山之性雖猛烈用酢製透原無汗脫胎傷之患倘妊娠素稟虛羸不妨但效其法改用白虎加入參加桂枝加草果加半夏等未嘗不為金匱千金法外之法耳

第七下血 方十一首

治妊娠忽暴下血數升胎燥不動方

榆白皮 三兩

當歸

生薑 各二兩

乾地黄 四兩

葵子 一升 肘後不用

右五味以水五升煮取二升半分三服不瘥更作服之

衍義

忽暴下血而胎不運動須防隕墜故用地黃當歸和血之味即兼榆皮葵子利竅之品一以分利滲道使血化之水不致混亂榮血而妄行一以疎利機竅乘勢當下則下庶免胎乾阻閣之虞用生薑者專取辛散以通血氣之滯也

馬通湯 治妊娠卒驚奔走或從高墮下暴出血

數升方

馬通汁 一升

乾地黄

阿膠 各四兩

當歸

艾葉 各三兩

右五味咬咀以水五升煮取二升半去滓內馬通汁及膠令烱分三服不瘥重作

膠艾湯 治妊娠二三月上至七八月其人頓仆

失踞胎動不下傷損腰腹痛欲死若有所見及

胎奔上搶心短氣方

艾葉 三兩

阿膠

川芎

白芍

甘草

當歸 各二兩

乾地黄 四兩

右七味咬咀以水五升好酒三升合煮取三升去

滓內膠更上火令盡消分三服日三不瘥更作

治妊娠卒下血方

葵子一升以水五升煮取二升分三服瘥止

又方

生地黄切一升以酒五升煮取三升分三服亦

治落身後血

又方

取葵根莖燒作灰以酒服方寸七日三

衍義因墮仆卒驚而血驟下故需馬通散血歸地和榮膠艾安胎以急救之若頓仆失踞而胎動不安即有所見其勢較前稍緩但用膠艾芎歸甘草加入地黃芍藥和血安胎可也其葵子葵莖總取滑利地黃酒煮用以散血然必勢甚故乃用之倘有可安之機諒不輕用也

鱗爪湯 治妊娠僵仆失據胎動轉上捨心甚者血從口出逆不得息或注上下血一斗五升胎不出子死則寒熨人腹中急如產狀虛乏少氣困頓欲死煩悶反覆服藥母得即安下血亦止

其當產者立生方

鱗爪 一升

甘草

桂心

各二尺

阿膠 二兩

右四味咬咀以東流水一斗煮取三升去滓內膠烱盡能為一服佳不能者食頃再服若口急不能飲者格口灌之藥下便活也與母俱生若胎已死獨母活也若不僵仆平安妊娠無有所見下血服此湯即止或云桂不安胎亦未必爾

衍義胎傷下血已劇勢難保全急當散血以救其母方用鱗爪桂心溫散積滯阿膠甘草和血安中遲則

難於爲力矣若胎息未損仍得子母雙全設胎氣已傷而不急下并母亦不得而救也 蠟性橫行破血故妊娠忌食而傷胎下血子死腹中下胞衣方多用之以其觸之卽脫格物致知之道也 治妊娠胎墮下血不止方

丹參十二兩咬咀以清酒五升煮取三升分三服温日三

又方

地黃汁和代赭爲末服方寸七

又方

桑蠟蟲屎燒灰酒服方寸七

香豉湯 治半產下血不盡苦來去煩滿欲死方

香豉一升半以水三升煮三沸漉去滓內鹿角末一方寸七頓服之須臾血自下鹿角燒亦得

衍義

丹參一味功同四物更用酒煎以和其榮丹方中之良藥也其地黃汁和代赭末服是因去血過多而鎮攝之也若半產血脫而煩則用鹿角温散積血於下香豉清解虛煩於上而腹滿自除無藉破血而瘀自不能留矣

第八小便病

方十五首

灸法一首



治妊娠小便不利方

葵子 一升

榆白皮 一把

右二味以水五升煮五沸每服一升日三

又方

葵子

茯苓 各一兩

右二味為末以水服方寸七日三小便利則止景仲

云妊娠有水氣身重小便不利灑淅惡寒起即頭眩

治妊娠患子淋方

葵子一升以水三升煮取二升分再服

又方

葵根一把以水三升煮取二升分再服

治妊娠小便不通利方

蕪菁子七合為末水和服方寸七日三

衍義

妊娠溺滯子淋皆膀胱氣化之阻積故用葵子榆

皮之滑澤利竅與葵子茯苓之甘寒淡滲及單取

葵子葵根甚則蕪菁子一味為散以取疏利之專

功也

治妊娠尿血方

黍穰燒灰酒服方寸七日三

治婦人無故尿血方

龍骨五兩治下篩酒服方寸七空腹服日三久者二十服愈

又方

爪甲

亂髮

右二味並燒末等分酒服方寸七日三飲服亦得

又方

桂心

鹿角屑

大豆黃卷

各一兩

右三味治下篩酒服方寸七日三

又方

取夫爪甲燒作灰酒服之

又方

取故缸上竹茹曝乾擣末酒服方寸七日三亦

主遺尿

衍義

妊娠尿血必非無故急需散血為主故用黍穰

即小

米之穗

燒灰不特散血兼可安中宜乎妊娠用之若

婦人尿血雖云無故亦必有傷於血故用爪甲髮

灰爪為筋之餘髮為血之餘總取散血之用耳若

血脫過多而色稀淡中無阻滯者又須龍骨以斂

固之其桂心鹿角溫血散血大豆黃卷本經雖主

筋攣膝痛孟詵言破婦人惡血葶藶中多用之

得桂心鹿角共襄散血之功而無傷中之患虛寒者宜加用之

治婦人遺尿不知出時方

白薇

芍藥各一兩

右二味治下篩酒服方寸七日三

又方

礬石

牡蠣各二兩

右二味治下篩酒服方寸七亦治丈夫

又方

胡燕窠中草燒末酒服半錢七亦治丈夫

又方

燒遺尿人薦草灰服之瘥

又方

灸橫骨當陰門七壯

衍義

二方各有功用若肺胃熱移於下而遺尿者用白薇以清膀胱之上源芍藥以收內胞之津氣若膀胱氣脫不收而遺尿者用礬石牡蠣之酸澣以斂固之然必火衰於下者宜之倘濕熱癰閉悞用則與戈戟無異也

第九下痢

方八首 灸法一首

治妊娠下痢方

人參

黃芩

酸石榴皮

各三兩

檉皮

四兩

粳米

三合

右五味咬咀以水七升煮取二升半分三服

衍義

脾胃為身之津梁脾氣固則胎氣亦固故妊娠滯下專宜固脾為主雖有積滯止宜苦寒以堅腸胃胃氣有權則積氣自除此方之用檉皮專主斷痢黃芩專護胎熱榴皮專司固脫人參粳米專扶中氣并助上三味之力也

又方

白楊皮一觔咬咀以水一大升煮取二小升分

三服

衍義

白楊皮不獨主妊娠下痢兼能利水去風痺宿血水血去而痢自止胎自安矣

又方

燒中衣帶三寸為末服之

又方

羊脂如碁子大十枚溫酒一升投中頓服之日

三

衍義

諸脂滑利傷脾動瀉獨羊脂性熱止下痢治脫肛

能治產後腹中絞痛故千金用之本草言其柔金  
奠銅其滌除腸垢之力可知

治妊娠患膿血赤滯魚腦白滯臍腹絞痛不可忍  
者方

薤白切一升 酸石榴皮 黃蘗各三兩產寶作黃連

阿膠二兩 地榆四兩

右五味咬咀以水七升煮取二升半分三服不瘥  
更作

衍義薤白温中散結專主胸痺結痛南陽治腹痛下重

能泄陽明氣滯檣皮酸濇黃柏苦堅阿膠温補地

榆止血為冷熱痢要方以有薤白温中之功無慮

檣榆止澀之患也

治妊娠注下不止方

阿膠 艾葉 酸石榴皮各二兩

右三味以水七升煮取二升去滓內膠令烱分三  
服

衍義艾葉温血阿膠佐之檣皮固脫艾葉輔之允為安

胎斷痢之專藥不在藥味之繁多也

治妊娠及產已寒熱下痢方

黃連一升 黃柏一升 梔子三十枚

右三味咬咀以水五升漬一宿煮三沸服一升一日一夜令盡嘔者加橘皮一兩生薑二兩亦治丈夫常痢

衍義

苦燥之藥能堅腸胃故用連柏以辟除濕熱梔子以疎通滲道勝於黃芩之但能安胎而無決渠通利之用也方後有云嘔加薑橘雖言治嘔而能運

行中氣鼓舞藥力縱無嘔逆亦宜用之治婦人欲痢輒先心痛腹脹滿日夜五六十行方

石榴皮

麴各八兩

黃蘗一作麥蘗

烏梅肉

川連

艾各一兩

防已

二兩一作防風

阿膠

乾薑

各三兩

附子

五兩

右十味為末蜜和丸如梧子大飲服二十九日三漸加至三四十丸

衍義

下痢腹脹滿濁陰內結也非薑附無以散之欲痢輒先心痛濕熱泛溢也非連柏無以折之濁濕阻滯非防麴無以泄之血液不守非膠艾無以安之津液脫亡非梅橘無以固之然須蜜丸欸畱藥質於中非特津液可禦而薑附之性亦不致於驟發庶腹中之寒熱和而滯下瘳矣

治婦人水洩痢方

灸氣海百壯三報

第十水腫 方五首

治妊娠體腫有水氣心腹急滿方

茯苓

白朮

各四兩 崔氏無朮

黃芩

杏仁

各三兩

旋覆花

一兩

右五味咬咀以水六升取二升半分三服

衍義

此方專主肺氣不降而喘脹逆滿故用杏仁旋覆

專利膈上之痰氣茯苓白朮專利腹中之水氣黃

芩一味專清胎息之熱氣也

鯉魚湯 治妊娠腹大胎間有水氣方

鯉魚 一頭 二斤

白朮

生薑

各五兩

白芍

當歸

各三兩

茯苓

四兩

右六味咬咀以水一斗二升先煮魚熟澄清取八升內藥煎取三升分五服

衍義

此方專主脾氣不化而水溢胞宮故用鯉魚專行利水芍朮專行燥濕歸芍專行護胎生薑專行辛散使周身之樞機利而水自除矣

治妊娠毒腫方

蕪菁根洗淨去皮搗酢和如薄泥勿令有汁猛

火煮二三沸適性薄腫以帛急裹之日再易寒時溫覆非根時用子若腫在咽中取汁含嚥之又方

燒獐牛尿酢和傅之乾則易亦可服方寸七日

衍義前治小便不通用蕪菁子為散水服此治妊娠周身毒腫用蕪菁根和酢擣敷總取下氣消腫之功也

治妊娠手脚皆腫攣急方

赤小豆 五升 商陸根 一斤

右二味以水三斗煮取一斗稍稍飲之盡更作一方加澤漆一斤

衍義此方專主濁濕暴腫故用商陸峻攻而兼赤豆之清心利水苟涉虛羸未可輕試

產難第五 論一首八條 針法一首 方二十二首

論曰產婦雖是穢惡然將痛之時及未產已產並不得令死喪污穢家人來視之則生難若已產者則傷兒也

婦人產乳忌反支月若值此月當在牛皮上若灰上勿令水血惡物著地則殺人及浣濯衣水皆以器盛



過此忌月乃止

凡生產不依產圖脫有犯觸於後母子皆死若不至死卽母子俱病庶事皆不稱心若能依圖無所犯觸母卽無病子亦易養

凡欲產時特忌多人瞻視惟得二三人在傍待產訖乃可告語諸人也若人衆看視無不難產

凡產婦第一不得忽忽忙怕傍人極須穩審皆不得預緩預急及憂悒憂悒則難產若腹痛眼中火生此兒迴轉未卽生也兒出訖一切人及母皆忌問是男是女兒始落地與新汲井水五咽忌與暖湯物勿令

母看視穢污

凡產婦慎食熱藥熱麵食常識此飲食當如人肌溫溫也

凡欲臨產時必先脫尋常所著衣以籠竈頭及竈口令至密卽易產也

凡產難及子死腹中并逆生與胞胎不出諸篇方可通檢用之

治產難或半生或胎不下或子死腹中或著脊及坐草數日不產血氣上搶心母面無顏色氣欲絕者方

醇酒 二升

白蜜

成煎猪膏 各一升

右三味合煎取二升分再服不能再服可隨所能服之治產後惡血不除上搶心痛煩急者以地黃汁代醇酒

衍義

方宜水土南北懸殊西北風高土厚民多稟氣剛燥故宜上法滋之非若東南水土卑弱耑力保脾尚恐產後元氣不固之比

治難產方

槐枝 切二升

榆白皮 切

大麻仁 各一升

瞿麥

通草 各三兩

牛膝 五兩

右六味咬咀以水一斗二升煮取三升半分五服

又方

吞皂莢子二枚

又方

取廁前已用草二七枚燒灰水調服之

又方

令夫唾婦口中二七過立出

又方

針兩肩井入一寸寫之須臾即分娩

治產難三日不出方

取鼠頭燒作屑并花水服方寸匕日三

又方

車軸脂吞大豆許兩丸

又方

燒藥杵令赤內酒中飲之

又方

燒大刀鑲以酒一杯沃之頓服即出救死不分

媿者

治產難累日氣力乏盡不得生此是宿有病者方

阿膠 二兩

赤小豆 二升

右二味以水九升煮豆令熟去滓內膠令烊每服

五合不覺更服不過三服即出

又方

槐子 十四枚

蒲黃 一合

右二味合內酒中溫服須臾不生再服之水服亦

得

又方

生薑汁

生地汁 各半升

右二味合煎熟頓服之

治產難及日月未足欲產者方

知母一兩爲末蜜丸如兔屎大每服一丸痛不止更一丸

羚羊角散 治產後心悶是血氣上衝心所致者方

羚羊角一枚燒作灰治下篩以東流水服方寸匕若不瘥須臾再服取悶瘥乃止

又方

殺羊角燒作灰以溫酒服方寸匕不瘥須臾再

進 備急方以治產難

治產乳運絕方

半夏一兩搗篩丸如大豆內鼻孔中卽愈 此扁鵲法也

又方

神麩末水服方寸匕亦治難產

又方

赤小豆搗爲散以東流水服方寸匕不瘥更服

又方

含醞醋喫面卽愈凡悶卽喫之

又方

取醞醋和產血如棗大服之

治心悶方

產後心悶眼不得開卽當頂上取髮如兩指大  
強以人牽之眼卽開

衍義產難用滑澤利竅之藥爲之通例若平昔脾氣不  
固者則牛膝麻仁亦宜斟酌若氣弱之婦愈用滑  
利則胎氣愈陷產門愈阻非峻用人參固氣不能  
助之使下孰謂催生之法一言可蔽哉如產難用  
燒鼠頭者取其屬腎而性善竄也用車軸脂者取  
其滑利而善轉運也用刀鐮酒者取其剛決而能  
鎮攝諸邪也用阿膠赤小豆者取其滋血而兼利  
水達竅也用槐子蒲黃者取其散血而清子藏之

熱也用地薑汁者取其滋血而通經脈之滯也用  
知母者取其滋陰專清子戶之火也用羚羊角燒  
灰酒服者取其舒筋而開竅散血也用羖羊角燒  
灰酒服者取其散血通治產後餘疾也用神麩末  
者取其健運而散蓄積之滯也用赤小豆者取其  
利水而能清熱散血也用半夏搐鼻者取其善嚏  
而能開發諸竅也用礮醋喫面者取其辟惡而能  
收攝神氣也牽頂門髮者令其上引不使隨氣下  
脫也

衍義

難產藥多不應不獲已而廣輯丹方及外助諸法

以祈僥倖庶便隨宜採擇以濟急需觀後橫生子  
死胞衣不出等例與此互參自明

子死腹中第六

論一首 方十七首

論曰凡婦人產難死生之候母面赤舌青者兒死母  
活母唇口青口兩邊沫出者母子俱死母面青舌赤  
口中沫出者母死子活

治動胎及產難子死腹中并妊娠兩兒一死一生  
服之令死者出生者安神驗方

鱉爪 一升

甘草 二尺

阿膠 三兩

右三味以東流水一斗先煮鱉爪甘草得三升去

滓次內膠令烊頓服之不能分再服若人困拗口  
內藥藥入卽活煎藥作東向竈用葦薪煮之

真珠湯 治胎死腹中方

熟真珠 一兩

榆白皮 一升

右二味以苦酒三升煮取一升頓服之立出

治子死腹中不出方

牛矢塗母腹上立出

又方

取竈心黃土三指撮以酒服之立出土當著兒  
頭上亦治逆生及橫生不出手足先見者

又方

取夫尿二升者合沸飲之

又方

酢二升拗口灌之

又方

吞槐子二七枚亦治逆生

又方

三家雞卵各一枚三家鹽各一撮三家水各一升合煮令產婦東向飲之立出

又方

瞿麥一斤以水八升煮取二升一服一升不出再服

治胎死腹中乾燥著背方

葵子 一升

阿膠 五兩

右二味以水五升煮取二升頓服之未出再煮服治妊娠未足月而胎卒死不出其母欲死方

以苦酒濃煮大豆每服一升死胎立出不能頓服分再服 一方用醇酒煮大豆亦治積聚成瘕

治妊娠胎死腹中若子生胞衣不出腹中引腰背

痛方

甘艸 一尺

筒桂 四寸

雞子 一枚

蒲黃 二合

香豉 二升

右五味以水六升頓服之胎胞穢惡盡去大良

衍義

難產取效甚難而下死胎胞衣尤為最難惟蠲爪

湯一方素推摧生第一得效後世免腦丸能下生胎不能下死胎以其無氣運動全賴穩嫗之用力得宜也此即前下血方中蠲爪湯於中除去桂心加用甘艸阿膠也夫桂心溫散之品子死腹中正宜加用而反去之必本婦去血過多恐復走血而不使用非此證之不當用桂也觀此例後方有用

甘艸筒桂雞子蒲黃香豉者與此頗同但此用阿膠專補榮血甘艸專培胃氣彼以蒲桂專行血滯香豉專主虛煩而方下不言以俟用方者之自悟耳用葵子阿膠者亦因產婦本弱不勝破血但與和榮利竅也用真珠榆皮者取其鹹寒降泄能下死胎胞衣也用醋煮大豆酒煮大豆者總取黑豆之主傷中淋露也其酒之與醋則有行止之分勿以尋常食品而忽諸用瞿麥煮服者本經所謂墮子下血閉也用槐子吞之者甄權專治大熱難產



千金方後集卷二  
也。用竈土酒服者，別錄首治婦人崩中，取其溫散積垢也。用夫尿飲之者，取其能降惡血，同氣相召如磁引鍼也。用牛屎塗腹者，產寶專主子死腹中，取其穢惡以滌穢惡之滯血也。

治妊娠得病須去胎方

以雞子一枚，鹽三指撮，和服立下。

此與阮河南療難產相同。

又方

麥芽一升，為末，蜜和一升，服之立下。

又方

七月七日神麩二升，酢一升，煮兩沸，宿不食，平

旦頓服之，即下。

又方

大麥麩五升，酒一斗，煮三沸，去滓，分五服，令盡。當宿勿食其子，如糜，令母肥盛，無疾苦。

衍義

母氣子氣兩相為命，此以母病去胎，是必勢難兩保。姑取混沌未分之氣，加以鹹潤，輔之猶木之將萎，畧得微風，絲雨其實，即墮也。若胎氣有力，雖毒藥屢攻，尚且牢不可動。況雞卵食鹽，尋常食品，可下乎？其用麥芽用神麩，用麥麩用蜜，調用酢，煮用酒煎，雖緩急輕重不侔，而伐胃耗氣，則一其酒煎。

麥麩不特下胎并能絕孕然必母氣素充故能勝任而服之反能肥盛無疾稍涉虛羸恐難輕試

逆生第七

論一首 方十四首

論曰凡產難或兒橫生側生或手足先出可以針錐刺兒手足入一二分許兒得痛驚轉即縮白當迴順也

治逆生方

以鹽塗兒足底又可急爪搔之并以鹽摩產婦腹上即愈

又方

以鹽和粉塗兒足下即順

子母秘錄云以鹽和胡粉

又方

取梁上塵如彈丸許二枚治末三指撮温酒服之

治逆生及橫生不出手足先見者方

燒蛇蛻皮為末服一刀圭

亦云三撮

面向東酒服即

順

又方

取蟬蛻二枚治為末三指撮許温酒服之

崔氏外臺

子母秘錄作彈丸二枚為末酒服

又方

取夫陰毛二七莖燒以猪膏和丸如大豆吞之  
兒手卽持丸出神驗

又方

取蛇蛻皮燒灰猪膏和丸向東服

又方

以手中指取釜底墨交畫兒足下卽便順生

又方

取父名書兒足下卽順生

治橫生及足先出者方

取梁上塵竈突墨酒服之

又方

取車轄中脂書兒足下及掌中

治縱橫生不可出者方

兔絲子末酒若米汁服方寸匕自生車前亦好  
服如上法

又方

以水苦酒服竈突墨塵

治產時子但趨穀道方

熬鹽熨之自止

衍義

子不順下皆緣母氣之逆雖有方藥遼難為力所以千金僅取丹方以祈專力如用蛇蛻蟬殼者取其穎脫之速也用竈突墨梁上塵者取其能辟垢穢破積血也用兔絲者取其能續傷故千金聖惠專治橫生其補腎肝利水道與車前不殊也以鹽塗兒足底者欲令縮入轉而順下也以車轄脂書兒足掌者取其滑澤易於轉下也以鹽包熱熨母穀道者欲令避熱而趨正道也蓋鹽性順下故產逆恒用之

胞胎不出第八方二十二首

牛膝湯 治產兒胞衣不出令胞爛方

牛膝 瞿麥 各一兩 當歸

通艸 各一兩半 滑石 二兩一作桂心二兩 葵子 八兩

右六味咬咀以水九升煮取三升分三服

治產難胞衣不出橫倒者及兒死腹中母氣欲絕

方

半夏 白斂 各二兩

右二味治下篩服方寸匕產難一服橫生二服倒

生三服兒死四服亦可加代赭瞿麥各二兩為佳

治胎死腹中若母病欲下之方

取榆白皮細切煮汁三升服之卽下難生者亦佳

又方

生地汁一升苦酒三合令暖服之不能頓服分再服亦得

又方

牛膝 三兩

葵子 一升

右二味以水七升煮取三升分三服

又方

澤蘭葉 三兩

滑石 五合

生蘇油 二合

右三味以水一升半煮澤蘭取七合去滓內滑石蘇油頓服之

治胞衣不出方

取小麥合小豆煮令濃飲其汁立出亦治橫逆生者

又方

瓜瓣二七枚服之立出良

又方

取水煮弓弩弦飲五合卽出亦可燒灰酒服

又方

取宅中所埋柱掘出取坎底當柱下土如鷄子  
大酒和服之良

又方

墨三寸爲末酒服

又方

取蒲黃如棗許以井花水服

又方

苦酒服真珠一兩

又方

鷄子一枚苦酒一合和飲之

治逆生胎不出方

竈上墨以酒煮一兩沸取汁飲之

治產後胞不得出方

井底土如鷄子中黃以井花水和服立出

治子死腹中若衣不出欲上搶心方

急取蟻蛭土三升熬令熱囊盛熨心下令胎不  
得上搶心良

又方

末竈突中墨三指撮許以水苦酒調服立出當  
著兒頭生

又方

取夫內衣蓋井上立出

又方

取炊蔽當戶前燒服之

衍義

下胞衣較之下死胎愈難爲力縱儘力用藥助效  
良難如牛膝湯爲下胞衣之專藥所謂諸味一皆  
淡滲利竅之品旣服之後關竅稍開急須乘機速  
取或令嚼髮取嘔或與搐鼻取嚏以助藥勢轉危  
就安在乎一瞬失此機宜關竅緊閉雖有神丹將  
何措指其次則用半夏白斂二味以半夏辛潤能

行濕而通大便利竅而泄小便別錄言其墮胎其  
祛逐穢惡之性可知白斂世隸外科而本經主女  
子陰中腫痛帶下赤白則下氣散血之功亦是不  
凡而肥盛多痰之母尤爲合轍加代赭瞿麥者用  
以鎮攝逆氣而利關竅也用榆皮用牛膝葵子用  
澤蘭滑石蘇油咸取滑澤利竅而各司其用也用  
瓜瓣者取其能散結聚破膿血不特治腸壅之用  
也其鷄子苦酒及苦酒真珠二方與前子死腹中  
同榆白皮用不殊但彼用榆皮以利阻滯之竅此  
用苦酒以收耗散之神稍爲異治耳用小麥小豆

千金方衍義卷三  
者取小豆之利竅小麥主漏血并令女人易孕也  
用蒲黃者取其能散血而胞衣亦得易下也用地  
黃汁者取其能散血室之熱也用井底泥者取其  
能下腹中之熱也用弓弩弦者取其迅發之疾也  
用蟻蛭土者取其善穴而運動不息故千金藏器  
皆用以揄心下合胎不上捨心也已上諸治雖皆  
得驗成方然間有寒滑傷脾難以槩施如井泥蕨  
油之類皆是西北治例故欲用其方須詳方宜水  
二要在臨病之審辨耳  
下乳第九 方二十一首

鐘乳湯 治婦人乳無汁方

石鐘乳

消石 一用滑石

白石脂 各六兩

通艸 十二銖

桔梗 半兩

右五味咬咀以水五升煮三沸三上三下去滓內  
消石令烱分服

又方

石鐘乳

通艸 各等分

右二味爲末粥飲服方寸七日三後可兼養兩兒  
通艸橫心者是勿取  
羊桃根色黃無益 一方二味酒五升漬一宿  
明日煮沸去滓服一升日三夏冷服冬溫服



又方

石鐘乳 四兩

甘艸 二兩 方無

漏蘆 三兩

通艸

括蔞根 各五兩

右五味咬咀以水一斗煮取三升分三服 一云用括蔞實

一枚

又方

石鐘乳

通艸 各一兩

漏蘆 半兩

桂心

甘艸

括蔞根 各六銖

右六味治下篩酒服方寸七日三最驗

又方

石鐘乳

漏蘆 各二兩

右二味治下篩飲服方寸匕卽下

漏蘆湯 治同前

漏蘆

通艸 各二兩

石鐘乳 一兩

黍米 一升

右四味咬咀米宿漬搯取汁三升煮藥三沸去

滓作飲飲之日三

漏蘆散 治同前

漏蘆 半兩

石鐘乳

括蔞根 各一兩

蟾蜍 三合

右四味治下篩先食糖水服方寸七日三

單行石膏湯 治同前

石膏四兩研細以水二升煮三沸稍稍服一日  
令盡

麥門冬散 治同前

麥冬 通艸 理石

石鐘乳

右四味各等分治下篩先食酒服方寸七日三

又方

麥冬 通艸 理石

石鐘乳 土瓜根 大棗

蟾蠩

右七味等分治下篩食畢用酒服方寸七日三

又方

母豬蹄一具麤切以水二斗熟煮得五六升汁  
飲之不出更作

又方

豬蹄 二枚熟炙槌碎 通艸 八兩切細

右二味以酒一斗浸之稍稍飲盡不出更作 外臺豬蹄

不炙以水一斗煮取四升入酒四升更煮飲之

又方

括蕒根切一升酒四升煮三沸去滓分三服

又方

括蕒根

漏蘆各三兩

石鐘乳四兩

白頭翁一兩

滑石

通艸各二兩

右六味治下篩以酒服方寸七日三

又方

取括蕒子尚青色大者一枚熟搗以白酒一斗煮四升去滓溫服一升日三黃色小者用二枚亦好

又方

土瓜根治下篩服半錢七日三乳如流水

單行鬼箭湯 治同前

鬼箭五兩以水六升煮取四升每服八合日三亦可燒作灰水服方寸七日三

甘艸散 治同前

甘艸一兩

通艸三十銖

石鐘乳二十銖

雲母二兩半

屋上散艸一把燒為灰

右五味治下篩先食漏蘆湯服方寸七日三乳下止

又方

燒死鼠作屑酒服方寸七日三立下勿令知

又方

燒鯉魚頭為末酒服三指撮

鯽魚湯 下乳汁方

鯽魚 一尾長七寸

豬肪 半斤切

漏蘆

石鐘乳 各八兩

右四味以清酒一斗二升合煮魚熟藥成絞去滓適寒溫分五服其間相去須臾一飲令藥力相及為佳乳即下

衍義

既產而乳汁不通非緣肺胃之虛寒則為經絡之熱阻虛則鐘乳為下乳汁之專藥以其中空如管能利九竅也而消石石脂雲母皆鐘乳之佐耳熱則石膏為通乳之專藥以其肌理鬆脆能通肺胃之熱也而理石滑石亦石膏之亞耳寒熱糾結非鐘乳與理石並用不能使之即通務在隨其偏勝而調適之斯無不當矣漏蘆通艸清熱利竅之專藥括蕞土瓜根開痰化熱之專藥豬蹄鯽魚滋養氣血之專藥鯉魚頭燒鼠灰利水通津之專藥桂心蟾蜍白頭翁鬼箭溫血破血之專藥麥冬桔梗

甘艸黍米輔佐之流調和諸藥亦不可缺合諸方  
諸味而統論之雖有沉寒客熱痰氣血瘀之不同  
總不越開關利竅一法於此推諸方之用豈特聞  
一知十而已哉

孫真人千金方衍義卷二



